

KABINET DIREKTORA

88000 Mostar, Dubrovačka bb.
Tel. +387 36 445 670
Fax.+387 36 445 693
e-mail:ured.direktora@fzmiopio.ba
71000 Sarajevo, Ložionička broj 2.
Tel. +387 33 723 125
Fax.+387 33 723 200

BROJ: FZ1/3-4-7-694-2/23
Sarajevo, 13.12.2023 godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
PREDSTAVNIČKI DOM
Kabinet sekretara

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primiteno 15-12-2023			
Org. jed.	Broj	Priloga	Vrijednost
05/1	- 02 -	6	23

PREDMET: Odgovor na upit, dostavlja se
Veza: Vaš akt, broj: 05/I-02-6/23 od 27.01.2023. godine

Poštovani,

Uvaženi zastupnik Admir Čavalić, na 7. redovnoj sjednici Zastupničkog doma Parlamenta Federacije BiH, održanoj dana 28.11.2023. godine, postavio je zastupničko pitanje koje glasi:

»Zašto penzioneri koj isu radili u oba entiteta čekaju više od godinu dana na preračun/uvezivanje penzija ?«

Federalni zavod za penzijsko i iinvalidsko osiguranje, kao javna ustanova, u svom nadležnom postupanju, između ostalih, primjenjuje i Zakon o upravnom postupku Federacije BiH („Službene novine FBiH“, broj: 2/98 i 48/99).

Kao što Vam je poznato, Zakonom o upravnom postupku i to odredbom člana 216. propisano je kad se postupak pokreće povodom zahtjeva stranke, odnosno po službenoj dužnosti ako je to u interesu stranke, a prije donošenja rješenja nije potrebno provoditi poseban ispitni postupak, niti postoje drugi razlozi zbog kojih se ne može donijeti rješenje bez odgode (rješavanje prethodnog pitanja i dr.), nadležni organ je dužan donijeti rješenje i dostaviti ga stranci što prije, a najkasnije u roku od 30 dana računajući od dana predaje urednog zahtjeva, odnosno od dana pokretanja postupka po službenoj dužnosti, ako posebnim propisom nije određen kraći rok.

U ostalim slučajevima kad se postupak pokreće povodom zahtjeva stranke, odnosno po službenoj dužnosti, ako je to u interesu stranke, nadležni organ je dužan donijeti rješenje i dostaviti ga stranci najkasnije u roku od 60 dana, ako posebnim propisom nije određen kraći rok.

Odredbom člana 15. istog zakona propisano je organ koji vodi postupak starat će se da neznanje i neukost stranke i drugih osoba koje učestvuju u postupku ne bude na štetu prava koja im po zakonu pripadaju.

Odredbom člana 95. Zakonma o penzijskom i invalidskom osiguranju („Sl. novine FBiH“, broj: 13/18, 90/21 i 19/22) propisano je da je u postupku ostvarivanja prava iz penzijskog i invalidskog osiguranja, kao i u postupku utvrđivanja penzijskog staža, nosilac osiguranja obavezan da osiguranicima i korisnicima prava pruža stručnu pomoć.

Naprijed navedene odredbe Zakona Federalni zavod za penzijsko i invalidsko osiguranje striktno primjenjuje u provođenju upravnih postupaka i donošenju odluka iz svoje nadležnosti.

Međutim, nadležne službe ovog Zavoda u postupku donošenja rješenja o ostvarivanju prava iz penzijskog i invalidskog osiguranja, vrlo često, nailaze na sporne situacije koji nisu u nadležnosti ovog Zavoda, a bez čijeg prethodnog rješavanja nije moguće odlučiti o ostvarivanju prava iz penzijskog i invalidskog osiguranja, kao što su neuplaćeni doprinosi za penzijsko i invalidsko osiguranje za periode osiguranja, pogrešno evidentirani podaci o stažu osiguranja od strane poslodavaca, nedostavljanje potrebne dokumentacije od strane osiguranika i slično.

U tim situacijama službenici zavoda koji zaprimaju zahtjeve osiguranika, kao i voditelji upravnog postupka odmah-bez odlaganja obavještavaju podnosioca zahtjeva o potrebi poduzimanja potrebnih aktivnosti kako bi se zakonske obaveze izmirile (nedostajući doprinosi za penzijsko i invalidsko osiguranje), te kako bi se neophodni podaci uredno i pravilno evidentirali u bazi podataka Matične evidencije ovog Zavoda, a sve u cilju donošenja pravilnog i zakonitog rješenja.

U takvim situacijama, nadležna služba Zavoda nije u mogućnosti donijeti rješenje u zakonom propisanom roku, dok se ne riješi prethodno pitanje, koji nije u nadležnosti Federalnog zavoda za penzijsko i invalidsko osiguranje.

Napominjemo, da stručne službe Zavoda, shodno citiranim zakonskim odredbama, osiguranicima pružaju svu potrebno pravnu pomoć kako bi se blagovremeno otklonile sve smetnje za okončanje upravnog postupka.

Osim toga, ističemo da je po zahtjevima koji se odnose na priznavanje prava iz invalidskog osiguranja, prethodno potrebno pribaviti nalaz, ocjenu i mišljenje stručnog organa medicinskog vještačenja, što također utiče i na samo trajanje upravnog postupka.

Pojašnjenja radi, nakon što stručni organ medicinskog vještačenja izvrši ocjenu radne sposobnosti osiguranika i ovom Zavodu dostavi nalaz, ocjenu i mišljenje, nadležna služba Zavoda donosi rješenje u skladu sa zakonom.

Također, važno je istaknuti i da je u predmetima u kojima su osiguranici pored penzijskog staža ostvarenog u Bosni i Hercegovini, ostvarili i staž u drugim državama (evidentiran kod inostranih nosioca osiguranja), potrebno u skladu sa međunarodim ugovorima pribaviti sve neophodne podatke i dokumentaciju od strane inostranih nosioca osiguranja, a što utiče na trajanje upravnog postupka.

Ističemo da nadležne službe u svim predmetima, u kojima za okončanje upravnog postupka nije potrebno riješiti prethodno pitanje, koje je od uticaja na donošenje pravilne i zakonite odluke, odluke u donosi u zakonom propisanom roku.


Shodno odredbama Sporazuma o međusobnim pravima i obavezama u sprovođenju penzijskog i invalidskog osiguranja o nosioci osiguranja (FZ PIO/MIO i Fond PIO RS) obavezni su međusobno obezbjeđivati dokumentaciju i podatke neophodne za ostvarivanje prava i isplatu penzija sa kojima raspolažu ili sa kojima raspolažu poslodavci i organi koji se nalaze na njihovom području.

Nadležne službe Federalnog zavoda PIO/MIO blagovremeno i u propisanim rokovima dostavljaju dokumentaciju Fondu PIO Republike Srpske, izuzev u situacijama koje su naprijed navedene i bez čijeg prethodnog rješavanja ovaj Zavod nije u mogućnosti okončati upravni postupak.

Također ističemo da su FZ PIO/MIO i Fond PIO RS, u cilju efikasnije i ekonomičnijeg provođenja upravnih postupaka osigurali komunikaciju na nivou Centralnih službi nosilaca osiguranja, putem kojih se pribavlja neophodna dokumentacija, rješavaju sporna pitanja i pribavljaju informacije koje su odlučne za donošenje odgovarajućih rješenja iz nadležnosti ovog Zavoda i Fonda PIO RS..

Napominjemo, da Vam nadležne službe ovog Zavoda i ubuduće stoje na raspolaganju u pružanju potrebne stručne pomoći u rješavanju spornih pitanja iz oblasti penzijskog i invalidskog osiguranja.

DIREKTOR
Halil Subašić, Mr.iur.



Broj: 02-45-3777/23
Sarajevo, 28.11.2023. godine

PARLAMENT FEDERACIJE
BOSNE I HERCEGOVINE
ZASTUPNIČKI DOM
N/r Gdin. Ivan Miličević, tajnik

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 15-12-2023			
Org. jed.	Broj	Priloga	Vrijednost
05/1	02-	418	/23.

Predmet: Odgovor, dostavlja se
Veza: Vaš akt broj 05/1-02-418/23 od 07.11.2023. godine

U svezi sa aktom, broj i datum veze, kojim je Vladi Federacije BiH, odnosno Federalnom ministarstvu pravde upućena Inicijativa gospodina Admira Čavalića, zastupnika u Zastupničkom domu Parlamenta Federacije BiH za upućivanje Prijedloga zakona o zaštiti prijavitelja korupcije u parlamentarnu proceduru, obavještavamo Vas o sljedećem:

Federalno ministarstvo pravde pokrenulo je, u suradnji sa Ambasdom Sjedinjenih Američkih Država u Bosni i Hercegovini, aktivnosti na izradi Prednacrt zakona o zaštiti prijavitelja korupcije. S tim u vezi, formirana je Radna skupina za izradu Prednacrt zakona o zaštiti prijavitelja korupcije u čijem radu će, pored predstavnika Federalnog ministarstva pravde i eksternog eksperta ispred Ambasade Sjedinjenih Američkih država u Bosni i Hercegovini, učešće uzeti i po jedan predstavnik Kantonalnog tužiteljstva Kantona Sarajevo, kao i Općinskog suda u Sarajevu. U pogledu dinamike rada Radne skupine obavještavamo Vas da je upućivanje Prednacrt zakona o zaštiti prijavitelja korupcije Vladi Federacije BiH planirano u I. kvartalu 2024. Godine.

S poštovanjem,

Dostavljeno:

1. Naslovu,
2. a/a.



MINISTAR
[Signature]
Vedran Škobić